



SULEQATIGIISITSISUT
SAMARBEJDSPARTIET
EM2019/33,53
Tillie Martinussen

15. oktober 2019 – 1. behandling

Meeqqanut suli atualingitsunut perorsaaniqut inerikkiartuutaasunik ulluunerani neqeroorutit pillugit Inatsisartut inatsisissaanni §9 imm. 1 allanngorteqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Taamaalilluni meeqqat illugiimmik angajoqqaallit, tamarmik sulisimappata imaluunniit ilinniartuuppata, kommunep ulluunerani paaqqinniffiit ulluuneranilu paarsisarfinnut utaqqisut allattorsimaffianni meeqqanut kisimiittunik angajoqqaalinnut sulisimappata imaluunniit ilinniartuuppata assigiimmik pineqarnissaat angujumallugu.

(Siumup Inatsisartunut ilaasortaatai)

Meeqqanut suli atualingitsunut perorsaaniqut inerikkiartuutaasunik ulluunerani neqeroorutit pillugit Inatsisartut inatsisissaat allanngorteqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Inatsisip allanngortinneratigut qulakkeerneqassaaq, kalaallit nunani allani ilinniartut qitornaasa1 kommunip meeqqeriviutaanut ulluuneraniluunniit angerlarsimaffinni paaqqinnittarfinnut utaqqisunut allanut naleqqiullugu sallinngortinneqartalernissaat ilinniartup Kalaallit Nunaanni sullivimmi imaluunniit oqartussaaffiit arlaanni sulilernissaminut isumaqatigiissuteqarluni takutissinnaappagu.

(Inatsisartunut ilaasortaq Malene Vahl Rasmussen, Demokratit)

Isumaqatigilluinnarparput ilinniartuutigit nunani allaniittut angerlartissagigit, suliffeqarnermilu suleqatigiiit sulisinnaaniassagamik meeqqatik paaritissinnaasariaqaraat.

Ajornartorsiulli isumarput malillugu utaqqisunut allattuivimmiiginnarani allarluinnarmiippoq. Tassa kattuffiit siorna sorsuutigisaanni:

Perorsaasut akissarisarissaarnissaasa, sulinermi atugarissaarnissaasa, piffissani stresserfiusuni oqilisaanneqartarnissaasa qulakkeernissaannik ajornartorsiuteqartorujussuuvugut.

Perorssasut isumaginninnermilu perorsaasut akissarsialuppallaarput, ilinniagaqartullu ilaat utoqqalipput, taamaammallu sulianut taakkununga pingaaruteqartunut amerlanerit ilinniartinneqarnissaannik pisariaqartitsisoqarpoq.

Ilinniartulli ilinniarnermikk naammassinnikkaangamik akissarsiat allagartaat isigigaangamikk perorsaasut ajugaasarput isumaginninnermilu perorsaasut ajorsartarlutik..

Perorsaasut ukiumut akissarsiat agguaqatigiisillugu 277.000 kr.-upput. Annertugisassaangillat.

Aamma sumiiffippassuarni sulisunik amigaateqarfiusuni sulisarput, suliamillu ingerlatsilluarsinnaajumallutik ilinniagaqatiginnissammut periarfissarissaratik ilinniarsimanngitsut suleqatigigajuttarpat.

Tamanna iliuuseqarfigisariaqarparput, aammalu NPK sulisullu kattuffii suliamut attuumassuteqartut peqatigalugit kommunillu suleqatigalugit iliuuseqarfigisinnaavarput.

Perorsaasunik isumaginninnermilu perorsaasunik amigaateqarnek nuanniitsuuvoq. Immikkoortumi tassani pilersaarutit pitsanngorsaatissat ataatsimoortut pisariaqartinneqarput, tassani pitsaasunik kajumissaateqartariaqarpoq, aamma akissarsiat saniatigut, sunillu pisariaqartitsisoqarnerisoq ataatsimut misissorneqartariaqarluni.



SULEQATIGIISITSISUT
SAMARBEJDSPARTIET

Maani Nuummi sulisut paaqqinnittarfinni nerisassioortartut aggersarneqarajuttarput meeqqanillu paarsinermi ikiuullutik. Sulisoq ataasiinnaq napparsimappat allanngortitererujussuarnik kinguneqarajuttarpoq.

Aamma suliaqarfinni taakkunanani amerlanerusut ilinniagaqalernissaat pisariaqartinneqarpoq.

Aamma meeqqat pillugit suliani sulisunut ikiorneqarnissamik pisariaqartitsiviusuni pitsaannerusunik oqilisaanneqarnissamik periarfissat siunnersuisarnissamillu periarfissat pitsaannerusut taamatullu suliaqartunut tapersorsorneqarluni oqaloqatigineqartarnissamut periarfissat ataatsimut isigalugu atuutilersinneqarnissaat pisariaqartinneqarpoq.

Aamma ataatsimut pingaarnersiuinissaq pisariaqartinneqarpoq, assersuutigalugu inuunerissaannginnermut takussutissanik ilinniartitsineq, inerikkiartuutaasunik pinnguartitsisarnermik inuummarissaatinillu ilinniartitsinissaq kiisalu suliniutigilernikuusatta pitsaasut atuutilersinneqarnissaat, assersuutigalugu Kammagiitta aamma Meeqqat Illersuisuata immikkoortumi meeqqat pillugit inassuteqaataasa ilanngunneqarnissaat..

Taamaaliornikkut ataatsimut kivitsisinnaavugut.

Siunnersuuteqartut isumaqatigaagut angajoqqaat inissanik pissarsiarineqarsinnaasunik pisariaqartitsisut, kisiannili tamanna pillugu kommunit oqaloqatigineqartariaqarput..

Taamaamat Naalackersuisut ilimasunnerat isumaqatigaarput immikkoortumi maannakkut pissutsit qanoq innersut eqqornerusumik nassuiaasiortoqassasoq, qinnuiviginnippugullu tassani paasissutissat kommunillu tamaasa suleqatigalugit kiisalu ilinniarnissamut ilinniaqqinnissamullu periarfissat kiisalu ilinniagaqanngitsut piginnaanngorsarnissaat minnerunngitsumillu aningaasaqarneq pillugu politikimi nappassinnaassusermik pisariaqanngitsumik akornusiinani siunissami akissarsiatigut atugassaritineqartut misissornissaat ilanngunneqassasut.

Taamatut oqaaseqarluta siunnersuut una ataatsimiititaliami suliassanngortipparput.